

小便不通

陽明
陰明

曾嬰兒小便不通者有陰陽二證陰閉者為冷濕乘
虛入裏因而不通名曰陰閉以白芍藥湯加南木香
及用炒鹽以絹帕兜令帶熱熨臍四圍併投五苓散
入靈砂末鹽湯空心調服其効尤速陽閉者因暴熱
所逼澁而不通名曰陽閉又有癃閉與淋不同內經
言明五氣篇曰膀胱不利為癃蓋癃者乃內臟氣虛
受熱壅滯宣化不行非澁非痛但閉不通腹脹緊滿
但以呶咀五苓散加車前子燈心之類及投木通散

玉露飲益元散皆可用之或貼薑豉餅於臍上取効
不拘陰陽二證悉能療之併與萬安飲尤妙

薛東

垣云小便不利有在氣在血之異夫小便者足太陽
膀胱之所主長生於申申者金也金能生水肺中伏
熱水不能生是絕小便之源也治法用清燥金之正
化氣薄之藥茯苓豬苓澤瀉琥珀燈心通草車前瞿
麥篇蓄之類皆為淡滲能泄肺中之熱而滋水之化
源也若不渴熱在下焦是熱澁其流而溺不泄也須
用氣味俱厚陰中之陰藥治之二者之病一居上焦
氣分而必渴一居下焦在血分而不渴血中有濕

不渴也二者之殊至易分別耳竊謂前
偏滲於腸胃大便瀉利而小便澀少者宜分利若熱
蘊於下焦津液燥而小便不行者宜滲泄若脾胃氣
澀不能通調水道者宜順氣若乳母肝心二經有熱
者用梔子清肝散肝經怒火者用柴胡梔子散若因
父母曾服燥劑而致者用四物麥門甘艸數而黃者
用四物加山茱萸黃蘗知母五味麥門肺虛而短少
者用補中益氣加山藥麥門陰挺痿痺而頻數者用
黃丸熱結膀胱而不利者用五淋散脾肺燥不能
化生者用黃芩清肺飲膀胱陰虛陽無以生而淋瀝

者用滋腎丸若膀胱陽虛陰無以化而淋瀝者用六
味丸若因乳母厚味酒麵積熱者用清胃散五淋散
仍參諸淋覽之 一小兒十四歲肢體倦怠發熱晡
熱口乾作渴吐痰如湧小便淋瀝或面目赤色躁不
欲衣此稟賦腎虛陰躁也用補中益氣湯加減八味
丸而愈 一兒五歲小便不利用五苓散分利澹泄
之藥益加不通小便陰囊漸腫先兄謂前藥復損真
陰也用六味丸料加牛膝肉桂車前子佐以補中益
氣湯而痊 一兒八歲先小便澀滯服五苓散益甚
木通車前之類腹脹吐痰加枳殼海金沙而胸滿

陰腫偏身發浮余用六味丸煎送滋腎丸而痊此皆稟父氣所致其作濕熱痰氣治之而歿者多矣
兒八歲先因小便黃赤服五苓導赤等散後患便血余以為稟賦虛熱也用六味丸及補中益氣湯而痊
錢撿頭散 治小便不通

玄胡索

川苦棟

各等分

右同為細末每服半錢或一錢撿頭湯調下量天

小多少與之食前服

撿頭湯即沸湯中滴油數點是

湯木通散

治心經伏熱小便不通啼叫

木通

壹兩

牽牛子

炒半兩

滑石

壹兩

右為末燈心蔥白水煎服

冬葵子散 治小兒腹急悶

冬葵子

壹兩

木通

半兩

右為末每服壹錢水煎

張葵石散 治小便不通悶亂者

葵根

壹握

滑石

木通

各壹兩

牽牛子

半兩炒

右件搗為麤末每服壹錢以水壹大盞入燈心蔥白各少許煎陸分去滓放溫服乳食前

車前散 治熱盛積於小腸甚則尿血

牡蠣燒為粉

車前子

甘草炙微黃

川朴硝分各壹

右件藥搗羅為散每服壹錢以水壹小盞煎至五分去滓溫服不拘時量兒大小加減

芎黃散 治臟腑有熱小便澀兼大便不通

芎藭壹兩

川大黃剉微炒

郁李仁湯浸去皮微炒

各半錢半

右件搗羅為散每服壹錢以溫水調下量兒大小

加減

朱砂丹 治證全前

朱砂

細研水飛

續隨子

各半兩

膩粉

壹錢

右件藥都研令勻煉蜜和如黍米大每服七粒以溫水下量兒大小加減乳食後

朱砂散

治心神煩躁小便赤澁不通

朱砂

壹兩另研細

滑石

犀角屑

各半兩

黃芩

甘草

炙微赤剉

車前子

各米錢半

右件藥搗羅為散入朱砂同拌勻每服半錢煎竹

葉湯調下食前

曾白芍藥散

見疝

五苓散

見驚

玉露飲

益元散

安飲俱見積熱

木通散見驚

清肺散 治渴而小便閉或黃或澁

五苓散加琥珀半錢

燈心

通草

車前子

炒各貳錢半

瞿麥

半錢

木通

篇蓄

各壹兩半錢半

右為麤末每服參錢水煎食前服

辟

八正散

治蘊熱咽乾口燥大渴引飲心忪面熱

煩躁不寧目赤睛疼或咽舌生瘡小便赤閉或熱

淋血淋

車前子

瞿麥

炒

大黃

麴裏煨

山梔

滑石

篇蓄

木通

甘草

炙各壹兩

右爲末每服貳參錢入燈心水煎食前服

梔子仁散 治小便不通臍腹脹悶心神煩熱

梔子仁

伍枚

茅根

冬葵子

各半兩

甘草

炙貳錢

右爲末每服壹錢水煎空心服

滋腎丸

梔子清肝散

柴胡梔子散

卽柴胡清肝散三方並見發熱

淋

曾巢氏病源曰諸淋皆腎虛所致腎與膀胱爲表裏至水下入小腸通於胞行於陰而爲澀腎氣通於陰下流之道也淋有五名曰膏曰冷曰熱曰血曰石各具于後膏淋見小便有肥脂似膏而浮於小便之上此腎虛不能制其肥液而下行也冷淋先戰慄而後小便此亦腎虛而下焦受冷冷氣入胞與正氣交爭故小便澀而戰慄熱淋下焦有熱熱氣傳於腎流入於胞其溺黃多而澀間有鮮血而回來者

血淋熱之極也心者血之主外行經絡內行臟腑熱
盛則失其常道心與小腸爲表裏故下流而入於胞
則爲血淋 石淋腎主水水結則化爲石腎爲熱所
乘遇小便則莖中痛不得流利痛引小腹則沙石從
小便出甚至塞痛令人昏悶遍身有汗而後醒此痛
之使然蓋五淋者雖曰腎虛所致然小腸爲受盛之
府氣通於膀胱膀胱爲津液之府氣通於腎餘化下
流而不通皆曰腎氣不足熱入膀胱水道澀而不利
出入起數臍腹急痛蘊作有時或如豆汁膏血並以
局方五淋散下龍腦雞蘇丸自然平愈及香芎丸補

腎地黃丸與之疎導補益爲上

薛夫小兒諸淋者

腎與膀胱熱也二經相爲表裏俱主水道水入小腸
下行於胞則爲溺若膀胱熱則津液內涸水道不通
腎氣熱則小便淋瀝或少腹引臍而痛夫淋有五石
淋者腎熱化石內塞水道痛引膀胱氣淋者肺氣壅
熱小腹脹滿小便澀滯熱淋者三焦有熱傳入腎膀
胱流入于胞小便赤澀血淋者心熱血散失其常經
溢滲入胞寒淋者膀胱氣冷與正氣交爭寒戰氣解
是也亦有因妊母肝熱及乳母恚怒者當分五臟蓄
熱治之若心藏有熱者導赤散加黃連肝藏有熱者

柴胡梔子散大便不通瀉青丸脾藏有熱者瀉黃散
脾氣不足者異功散脾氣下陷補中益氣湯肺藏有
者瀉白散肺氣虛熱異功散加炒黑山梔腎藏有熱
者地黄丸或因乳母肝經熱者用梔子清肝散恚怒
者用柴胡清肝散乳母厚味者用加味清胃散心小
腸熱者用清心蓮子飲或兒早近色慾小便澁滯或
作痛及更去後大小便牽痛者皆屬肝腎不足也用
六味地黄丸補中益氣湯加牛膝車前肉桂未應當
參五臟所勝不可輕用滲泄寒涼之藥大損胃氣仍
前小便不通證覽之 一 小兒小便不通服五苓

之類不應額間及左腮色赤乃肝腎虛熱也用四物
山梔及地黃丸而愈後因感冒誤汗小便仍不利余
用補中益氣湯加麥門五味而安 一小兒小便不
利莖中澀痛時或尿血此稟父腎熱爲患也先用五
淋散以疎導又用滋腎丸地黃丸補肝腎漸愈後出
痘色紫小便短赤額間右腮或赤或白用補中益氣
湯六味地黃丸前證並愈 丹鄭應使之子年十六
初生七箇月患淋病五七日必一發其發則大痛水
道狀如黍如粟者約一杯許然後定診其脉輕則澀
重則弦視其形瘦而長其色青而蒼意其父必因多

服下部藥遺毒在胎留於子之命門而然遂以紫雪和黃檗末九桐子大晒極乾熱湯下百丸以食物壓之又半日痛大作腰連腹水道乃行下如黍如粟者一大碗許其病減十分之八後又與陳皮壹兩桔梗木通各半兩作一貼與之又下如黍粟者一合許而安父得燥熱且能病子况母得之者乎予書此以證東垣紅瘤之事此亦熱在血分也

五淋散

赤茯苓

去皮

赤芍藥

炒

山梔子

去殼

甘草

生

當歸

去蘆

黃芩

炒

車前子

淡竹葉

燈心

木通

去皮節

滑石

水飛

葵子

葶藶

炒

右咬咀用蔥白壹莖水煎入車前草杵擣取汁用
五苓散調化食前服或硝石末調化服 白淋白
茅根燈心煎湯服 有氣淋小腹脹滿尿後有餘
瀝木通煎湯服 熱淋小便赤而淋瀝臍下痛新
水煎服或黃芩煎湯服 石淋莖內痛尿澀有砂
石令人悶絕滑石膈紙炒焦爲細末葵子煎湯服
局方五淋散 治膀胱有熱水道不通淋瀝不出或